

## CYNGOR CYMUNED MANORDEILO A SALEM CYFARFOD 12<sup>fed</sup> MEHEFIN 2019

Cynhaliwyd cyfarfod Cyngor Cymuned Manordeilo a Salem am 7.30pm ar y 12<sup>fed</sup> Mehefin 2019 yn yr Ystafell Ddarllen, Cwmifor.

### PRESENNOL

Cynghorwyr Alun Davies, Arwel Davies, Kim Davies, Gwenfyl Evans, Doris Jones, Andrew Thomas, Owen Williams a'r Cynghorydd Sir Joseph Davies.

### 1. CROESO AC YMDDIHEURIADAU

Cymerwyd y Gadair gan y Cyng. O. Williams a chroesawodd bawb i'r cyfarfod. Derbyniwyd ymddiheuriadau gan y Cynghorwyr Peter Harries, Dorian Jenkins a William Loynton.

### 2. CADARNHAU COFNODION Y CYFARFOD DIWETHAF

Cynigiwyd gan y Cyng. K. Davies, eiliwyd gan y Cyng. J. Davies ac roedd pawb yn gytûn bod cofnodion y cyfarfod diwethaf a gynhaliwyd ar yr 8<sup>fed</sup> Mai 2019 fel ag y maent wedi'u teipio a'u dosbarthu yn gywir. Arwyddwyd gan y Cadeirydd

### 3. DATGANIADAU O DDIDDORDEB

Dim.

**3A.** Ymunodd Swyddog Cymunedol yr Heddlu Louise Lewis â'r cyfarfod a rhoddodd ei hadroddiad.

12i) Mewn perthynas â'r llythyr sy'n cael ei ddosbarthu ynglŷn â gwarchod cymdogaeth ar lein, cynghorodd Swyddog Cymunedol yr Heddlu Lewis ei bod yn gynllun dilys, fodd bynnag mae yna agweddau y dylid cymryd gofal yn ei gylch. Gellid bod wedi torri Rheoliadau Diogelu Data Cyffredinol o ran y defnydd o enwau a chyfeiriadau e-bost, ac yn yr achos hwn dylid cyfeirio cwynion i Swyddfa'r Comisiynydd Gwybodaeth. Fe allai 'Action Fraud' fod yn llwybr arall er mwyn gwneud cwyn neu fynegi pryderon. Clerc i anfon e-bost ar ran y Cyngor.

Clerc

Mae yna achosion o dorri mewn i siediau a dwyn o gerbydau mewn ardaloedd mwy anghysbell a'r cyngor a roddodd Swyddog Cymunedol yr Heddlu oedd i fod yn fwy gwyliadwrs.

Bellach mae'r heddlu yn gweithio allan o swyddfa Cross Hands a mynegwyd pryder gan Gynghorwyr o ran y pellter a'r amser a gymerir i heddlu ymateb i unrhyw ddigwyddiad yn ardal Manordeilo a Salem.

### 4. MATERION YN CODI.

4.5v) Diolchwyd i'r Cynghorwyr J Davies, Alun Davies, D. Jenkins, A. Thomas a'r Clerc am osod baneri ac addurniadau ar gyfer Cymal Olaf Taith Merched OVO. Mae'r Cyng. J. Davies wedi cysylltu â Chyngor Sir Caerfyrddin (C.S.C.) er mwyn creu baner y gellid ei defnyddio mewn digwyddiadau eraill yn y dyfodol sy'n ymwneud â'r Cyngor Cymuned.

4.11. Mewn perthynas â'r Panel Annibynnol ar Gydabyddiaeth a Lwfansau Cynghorwyr, gofynnodd y Clerc i unrhyw Gynghorydd sydd hyd yn hyn heb lanw eu ffurflenni wneud hynny cyn gynted â phosib.

5iii) Mae'r Cynghorwyr J. Davies, H. Gwynne, G. Evans, D. Jones ac O. Williams ynghyd â'r Clerc wedi'u cofrestru ar yr Hyfforddiant Cod Ymddygiad ar 16 Gorffennaf, 6.00pm yn Neuadd y Sir Caerfyrddin.

12ii) Codwyd cyfanswm o £698.00 trwy gynnal digwyddiadau cymdeithasol diweddar a drefnwyd gan y Cyng. J. Davies yn Ystafell Ddarllen Manordeilo, gyda'r arian yn mynd tuag at brynu diffibliwr ar gyfer Manordeilo Uchaf. Cynigiwyd gan y Cyng. D. Jones, eiliwyd gan y Cyng. Alun Davies ac roedd pawb yn gytûn y dylai'r Cyngor Cymuned dalu'r gweddill sef £602 er mwyn prynu uned a chabinet allanol gan Elusen Cariad Heart. Clerc i wahodd cynrychiolydd o Elusen Cariad Heart a Mrs M. Griffith Cadeirydd Pwyllgor Ystafell Ddarllen Manordeilo i ymuno â chyfarfod mis Gorffennaf ar gyfer gwneud cyflwyniad swyddogol.

Clerc

12iii) Mewn perthynas â'r canghennau sy'n hongian dros y ffordd yn ardal Capel Isaac, bydd y Cyng. J. Davies unwaith eto'n gwneud ymholiadau gyda C.S.C.

Cyng. J. Davies

12iv) Mae'r mater o fagiau sbwriel heb eu casglu yn ardal Comin Salem wedi'i ddatrys.

## 5. GOHEBIAETH

- i) Banc Lloyds, Cyfriflen dyddiedig 1<sup>af</sup> Mai 2019, Taflen Rhif 17, Gweddill o £10,534.03. Nodwyd
- ii) Banc Lloyds, Cyfriflen dyddiedig 31<sup>ain</sup> Mai 2019, Taflen Rhif 18, Gweddill o £9,904.03. Nodwyd
- iii) Banc HSBC, cais i ddiweddarau a chadarnhau manylion y mudiad. Nid yw'r cyfrif hwn bellach yn cael ei ddefnyddio ac yn dilyn trafodaeth, cynigiwyd gan y Cyng. J. Davies, eiliwyd gan y Cyng. Alun Davies ac roedd pawb yn gytun y dylid cau'r cyfrif ac y dylid trosglwyddo'r gweddill o £21.49 i Gyfrif Banc y Cyngor yn Lloyds. Clerc
- iv) C.S.C. Llwybrau Mwy Diogel a Grantiau Cymunedol. Nodwyd
- v) Arolwg Gofalwyr Gwasanaeth Ambiwlans Cymru. Gwefan
- vi) Un Llais Cymru, "Cymru Ein Dyfodol – Sgwrs Genedlaethol". Clerc i anfon ebost at Gynghorwyr. Clerc
- vii) 'Woodland Trust', Coeden y Flwyddyn. Nodwyd
- viii) Eisteddfod yr Urdd Sir Gâr 2021, cydnabyddiaeth o'r rhodd. Nodwyd

## 6. ADOLYGIAD O'R GYLLIDEB

Mae Cyfriflen Banc dyddiedig 31<sup>ain</sup> Mai 2019 yn rhoi gweddill o £9,904.03. Mae sieciau gwerth £896.01 heb eu cyflwyno sy'n rhoi cyfanswm gwirioneddol o £9,008.02.

## 7. GOLEUADAU

Dim i'w drafod

## 8. LLWYBRAU TROED

Dim i'w drafod.

## 9. CYNLLUNIO

Cytunwyd ar y sylwadau canlynol:

- E/38914** Dymchwel Annedd ac Adeiladau Atodol ac Adeiladu Annedd Newydd yn ei le. Atgyweirio ac Addasu Ysgubor.  
Fferm 'Lower Lodge'  
Manordeilo  
Llandeilo  
SA19 7AY  
Mr a Mrs Davies  
**Dim Gwrthwynebiad**
  
- E/38937** Amrywio Amod 2 – Lleihau Uchder yr Adeilad Arfaethedig trwy Dynnu'r Llawr Cyntaf oddi yno, yn ogystal â Newid Defnydd y Codiad  
Llwydcoed Isaf  
Penybanc  
Llandeilo  
SA19 7LS.  
Partneriaeth Fasnach Eiddo Hillman – Mr Thomas  
**Dim Gwrthwynebiad**

## 10. YSWIRIANT

- i) Mae'r Clerc wedi gwneud ymholiadau gyda Zurich ac mae'r dyfynbris adnewyddu gwreiddiol wedi'i leihau i £276.01. Mae'r gost o brynu diffiblwyr gan Elusen Cariad Heart yn cynnwys yswiriant llawn am saith mlynedd ac felly penderfynwyd nad oedd angen i'r Cyngor ei hunan yswirio'r unedau.
- ii) Trafodwyd y posibilrwydd o ymestyn yr yswiriant i gynnwys difrod damweiniol ar gyfer pyst goleuadau ar gost ychwanegol o £483.47. Cynigiwyd gan y Cyng. J. Davies, eiliwyd gan y Cyng. A. Thomas a chafwyd cytundeb unfrydol i beidio â phrynu'r yswiriant ychwanegol hwn.

## 11. DATGANIAD BLYNYDDOL

- i) Adroddodd y Clerc bod yr Archwiliad Mewnol wedi'i gwblhau a darllenwyd adroddiad Mrs W. Phillips ar goedd. Ni chodwyd unrhyw faterion. Arwyddwyd y Datganiad Blynnyddol gan yr Archwilydd Mewnol a gan y Clerc.

ii) Mae'r Hysbysiadau o Hawliau Etholwyr angenrheidiol wedi'u harddangos y tu allan i Neuadd Bentref Salem ac Ystafell Ddarllen Manordeilo ac ar wefan y Cyngor.

iii) Darllenwyd y Datganiad Llywodraethiant Blynnyddol ar goedd ac fe'i cwblhawyd. Cynigiwyd gan y Cyng. A. Thomas, eiliwyd gan y Cyng. Arwel Davies ac roedd pawb yn unfrydol y dylid cymeradwyo'r Datganiad Blynnyddol; yna fe'i harwyddwyd gan y Cadeirydd.

iv) Y Clerc i anfon y Datganiad Blynnyddol at yr archwilwyr allanol Grant Thornton ynghyd â'r dogfennau atodol y gofynnwyd amdanynt. Diolchwyd i'r clerch am ei gwaith yn paratoi'r archwiliad. Clerc

## 12. CYFRIFON I'W TALU

Cytunwyd i wneud y taliadau canlynol:

i) Mrs W. Phillips, Archwiliad Mewnol, Siec Rhif 1321	£150.00
ii) Mrs Jane Davies, Cyflog a Threuliau'r Clerc ar gyfer mis Mehefin, Siec Rhif 1322	630.23
iii) Mr O. Williams, Taliad Cynghorydd, Siec Rhif 1323	150.00
iv) Cymdeithas Trigolion Salem (Clwb Garddio), Yn Lle Siec Rhif 1301, Rhodd, Siec Rhif 1324	50.00
v) 'Relm Signs', Baner, Siec Rhif 1325	38.40

**CYFANSWM 1,018.63**

## 13. UNRHYW FATER ARALL

Gan nad oedd rhagor i'w drafod, diolchodd y Cadeirydd i'r aelodau am fynychu a daeth y cyfarfod i ben am 8.50pm.

.....10<sup>fed</sup> Gorffennaf 2019  
CADEIRYDD